

堅

瓠

集

堅瓠二集卷之二目錄

初日詩

新月詩

嫦娥

結璘

牽牛織女

織女祠

鵲橋仙

孟婆

石尤風

夜半鐘

鼓轉六更

王探花判

水底月詩

陸放翁詞

馮當世詩

呂文穆

韓魏公

張元

求閒

處閒散

偷閒

歐陽伯樂

蜂丈人

此翁又出

嬰兒木片

擊門錐

王吉婦

布袋和尚

文若詩

童謠

異僧

般若菴僧

驛童對

黃萊集

弔張士誠詩

老頭兒

雪詞

蒲江紅

彭友信

大明皇帝

大明一統

兄弟應兆

劉誠意題箸

倒騎驢

安亭萬二

峴山徐九

僧謙牧

趙雙視

象簡龍衣

鐵尚書女

中秋不見月

完顏亮詞

鼓子

銀豆謠

九仙夢對

陽鱗

徐白雲

名帖字大

老僧干謁

十里荷花

史彌遠詞

小僧詩阻

原缺

重刊褚石農堅瓠集卷之二

甬上留香閣主人較刊

初日詩

宋藝祖微時見客詠初日詩卽應聲曰太

陽初出光刺撻

松窓暇錄作欲出未出光赫赫

千山萬山

如火發一輪頃刻上天衢逐退群星與殘

月蓋宋以火德王天下及登極僭竊之國

以次削平混一之志已兆於詩後國史潤

色之云未離海嶠千山黑
繞到天心萬國明
便覺卑弱

賦新月

后山詩話宋盧多遜當直藝祖命賦新月
眼用些子兒詩曰太液池邊玩月時
好風吹動萬年枝
誰家玉匣開新鏡
露出清光些子兒
錦繡萬花谷載後二句云誰家鏡
匣參差蓋露出楞邊些子兒
尤覺善狀王

禹偁當直亦賦新月限敲稍交韻詩曰禁
鼓樓頭第一敲乍看新月出林梢誰家寶
鏡初磨出玉匣參差蓋不交似做多遜之
意不知二詩皆祖老杜塵匣元開鏡之句
禹偁詩桐江詩話作曹希蘊作七修類藁
郎仁寶與王義中玩新月語及二詩義中
賦一詩曰風外空傳藥杵敲雲邊微見桂
枝稍定疑今夜蟾蜍小含出明珠口未交

清新俊逸不減前詩

嫦娥

吹劍錄月與日並明人所敬事詞人以嫦娥之說吟咏極其褻狎至云一二初三四娥眉天上彎待奴年十五正面與君看按嫦娥奔月事見歸藏又淮南子曰羿請不死之藥於西王母嫦娥竊而奔月許慎注曰嫦娥羿妻也逃月中蓋虛上夫人是也

然嫦娥之說不經學齋佔俾謂卽常儀占
月之誤周官注云儀義二字古皆音俄鳳
洲詩云不信瑯弧摧九日却留明月隱嫦
娥足破其謬然昔有當時射日弓猶在何
事無能近月官句其說亦非始於鳳洲矣

結璘

黃庭經云高奔日月上吾道鬱儀結璘善
相保註引上清紫文云鬱儀奔日之仙結

璘奔月之仙據此則奔月者不止一嫦娥
矣是月爲逋逃藪也袁郊詩云嫦娥竊藥
出人間藏在蟾宮不放還后羿遍尋無覓
處誰知天上亦容奸又月中有仙人宋無
忌祈月桂者爲吳剛或爲吳質又登真隱
訣曰上真之道七鬱儀奔日文爲最結璘
奔月文爲次蓋鬱儀者羲和也結璘者嫦
娥也據此則結璘乃嫦娥別名也

牽牛織女

述異記天河之東有美女天帝女孫也機杼勞役織成雲霧天衣容貌不暇整理帝憐之嫁與河西牽牛自後竟廢織紵帝怒責歸河東使一年一度與牽牛相會淮南子曰烏鵲填橋而渡織女張衡云牽牛織女七月七日相見渡河之說非止世俗之見也○荆楚歲時記道書云牽牛娶織女

借天帝二萬錢備禮久不還被驅在營室
又云牽牛謂之河鼓後人訛其聲爲黃姑
古樂府東飛百勞西飛燕黃姑織女時相
見太白詩黃姑織女星相去不盈尺劉筠
詩百勞東翥燕西飛又報黃姑織女期李
後主又誤以黃姑爲織女有迢迢牽牛星
杳在河之陽粲粲黃姑女耿耿遙相望句
按史記牽牛爲犧牲其北河鼓代醉編綱

河鼓十二星在牽牛北非牽牛七夕良會
使河鼓冒此虛名能無遺憾

織女祠

中吳紀聞崑山縣東地名黃姑傳牽牛織
女降此地織女以金篦劃河水水湧溢牽
牛不得渡因名爲百沸河鄉人立祠祀之
列二像建炎兵火時士夫多避地東岡范
生題詩祠壁曰商飈初至月埋輪身鵲橋

邊綽約身聞道佳期惟一夕因何朝暮對
斯人鄉人遂去牽牛像獨存織女焉

鵲橋仙詞

齊東野語宋慶之寓永嘉時逢七夕學徒
醵飲有僧法辨善五星每以八煞爲說一
士致仙扣試事忽此動大書文章伯降慶
之怪焉漫云姑置此且求一七夕新詞卽
以八煞爲韻忽運此大書鵲橋仙一闋云

寫興初駕牛車齊發聽隱隱鵲橋伊軋尤
雲端雨正歡濃但只怕來朝初八霞垂綵
幔月明銀蟾馥郁香噴金鴨年年此際一
相逢未審是甚時結煞滄海粟載此詞爲
宋徽宗附此作未知孰是

孟婆

古稱風神爲孟婆蔣捷詞云春雨如絲繡
出花枝紅裊怎禁他孟婆合皂宋徽宗詞

云孟婆好做些方便吹個船兒倒轉按北
齊李騊駼聘陳問陸士秀曰江南有孟婆
是何神也士秀曰山海經帝女遊于江出
人必以風雨自隨以其帝女故稱孟婆丹
鉛總錄江南七月間有大風甚於舶艣野
人相傳爲孟婆發怒

石尤風

石尤風詩人多用之不見其義宋孝武丁

督護歌云願作石尤風四面斷行旅陳子
昂入峽阻風云故鄉今日友歡會坐應同
寧知巴峽路辛苦石尤風戴叔倫送裴明
州云瀟水連湘水千波萬浪中知君未得
去慚愧石尤風司空文明一作郎留盧泰
卿詩知有前期在難分此夜中無將故人
酒不及石尤風李義山詩來風置石郵江
湖紀聞石氏女嫁爲尤郎婦情好甚篤尤

爲商遠行不歸妻憶之病臨亡長歎曰凡
有商旅遠行者吾當作大風爲天下婦人
阻之自後商旅發船值打頭逆風則曰此
石尤風也遂止不行婦人以夫姓爲名故
曰石尤遇石尤風密書吾爲石娘喚取尤
郎歸須放吾船行十四字投水中風卽止
又紫竹軒雜綴石尤江中亟名此亟出必
有惡風雨故曰石尤風

夜半鐘

唐張繼宿楓橋詩姑蘇城外寒山寺夜半
鐘聲到客船六一居士謂繼此詩句則佳
矣奈夜半非鳴鐘時或云姑蘇寺鐘多鳴
於半夜或云惟承天寺至半夜則鳴其他
皆五更鐘也庚溪詩話云昔官姑蘇每三
鼓盡寺鐘皆鳴後觀于鵠詩云定知別後
宮中伴遙聽緱山半夜鐘白香山云新秋

松影下半夜鐘聲後溫庭筠曰悠然旅櫓
頻回首無復松窗半夜鐘皇甫冉秋夜宿
嚴維宅云秋深臨水月夜半隔山鐘陳羽
梓州與溫商夜別隔水悠悠午夜鐘則詩
人皆言之不獨繼也他處亦皆半夜鳴鐘
不獨姑蘇也南史載齊丘仲孚少好讀書
以中宵鐘鳴爲限則夜半鐘其來久矣

鼓轉六更

夜漏五五相逼爲二十五唐李郢詩二十
五聲秋點長是也至藝祖以建隆庚申受
禪問國祚修短於陳希夸有只怕五更頭
之言蓋庚更同音也藝祖命宮掖及州縣
更漏皆去五更二點并初更去其二以配
之首尾止二十一點卽轉六更謂之蝦蟆
更嚴鼓鳴鐘禁門方開百官隨入終宋之
世皆然楊誠齋有天上歸來有六更汪水

雲有亂點傳籌殺六更之句至理宗景定
元年歷五庚申而宋亡謂非五更頭乎元
延祐九年庚申而順帝生順帝實宋少帝
趙昰子明兵入燕都遁去時呼庚申君劉
尚賓庚申帝大事記可見明高皇方號順
帝云然則藝祖命轉六更亦與數暗符矣
○開元遺事云宮漏有六更君王得晏起
疑是設言耳

王探花判

醒睡編探花王剛中爲御史出巡福建尤
溪張松茂與鄰女金媚蘭私通被獲到官
王見簷前蛛網懸蝶指謂張曰汝能賦此
免罪張卽曰只因賦性太顛狂遊遍花叢
覓異香今日悞投羅網裡脫身還籍探花
郎王又指竹簾命金賦之遂吟曰綠筠劈
破條條直紅線相連眼眼奇只爲如花成

片段遂令失節致參差王稱賞見二人供
狀俱未議婚卽判云佳人才子兩相宜致
福端由禍所基判作夫妻永諧老不勞鑽
穴隙相窺人目爲王方便云

水底月詩

曾於友人處見被書中有水底月詩云皎
潔明蟾夜氣寒清光上下兩團圓瑤池王
母呈冰鏡水底神人獻玉盤一任浪掀流

不去幾回龍戲欲吞難叮嚀醉客休來捉
會悞詩人溺素濶惜作者姓名不傳

陸放翁詩

陸務觀初娶唐氏于母夫人爲姑姪伉儷
相得而弗獲於其姑因出之改適同郡宗
子常春日出游相遇於沈氏園亭唐以語
趙遣致酒餽放翁悵然爲賦釵頭鳳詞題
園壁云紅酥手黃藤酒滿城春色宮牆柳

東風惡歡情薄一懷愁緒幾年離索錯錯
錯春如舊人空瘦淚痕紅浥鮫綃透桃花
落閒池閣山盟雖在錦書難托莫莫莫唐
氏見而和之有世情薄人情惡之句未幾
唐怏怏而卒聞者爲之愴然

馮當世詩

馮當世京未第時客餘杭縣爲官逋所拘
計窘無出題詩所寓寺壁云韓信棲遲項

羽窮手提長劍喝秋風吁嗟天下蒼生眼
不識男兒未濟中一胥魁范某見之爲白
令丐寬假令疑胥受賕游說胥曰馮秀才
甚貧安所得物賂某昨見其所留詩知他
日必貴令索其詩觀之卽笑而釋其事後
京果三元及第

呂文穆

呂蒙正父龜圖多內寵與其母劉氏不睦

并蒙正出之頗淪黷窘乏與溫仲舒讀書
于洛陽之龍門利涉院土室中有撥盡寒
爐一夜灰之句及蒙正登第乃迎二親同
堂異室奉養之妻自姓宋傳奇謬以母姓
爲妻姓破密緣此附會也惟噎瓜亭在府
城南蒙正微時拾遺瓜于此後作相建亭
示不忘也○堯山堂外紀蒙正朝罷歸衙
偶片雪沾衣欲斬執役人夫人因舉撥灰

詩諷之乃已又隨事諷諫嘗題鴈吻云獸
頭原是一團泥做盡辛勤人不知如今擡
在青雲裏忘却當初窰內時

韓魏公

韓魏公

琦

鎮中山李清臣謁見其姪報曰

大叔方睡不卽與通清臣因題詩於壁曰
公子乘閒卧碧幃白衣老吏慢寒儒不知
夢見周公否曾說當年吐哺無魏公見之

曰吾久欲見此生竟有東床之選。又士人廣作公書謁蔡君謨蔡心疑之然士頗豪邁蔡與三千緡作書并果物遣四卒送於公士因謁公以其故請罪公曰君謨手段小恐未足以了公事復作書令見夏太尉子弟有不然者公曰士敢於爲我書又能動君謨之意其才器亦不凡矣至閩中夏竟官之

張元

宋慶曆間華州進士張元累舉不第落魄
不得志負氣倜儻嘗薄游塞上觀覽山川
有經畧西鄙意元詠雪有戰退玉龍三百
萬敗殘鱗甲滿天飛之句其詠鷹詩有有
心待搗月中兔更向白雲頭上飛之句欲
謁范韓二帥耻自屈乃刻詩石上使人拽
之市而自笑其後二公聞而召見躊躇未

用元乃間走西夏結連囊霄謀抗朝廷連
兵十餘年大爲邊患後秦檜爲相一士假
其書謁揚州守守覺其僞以白金五百金
繳原書管押其回檜見之卽補以官復厚
贈之或問其故檜曰有胆敢假檜書若不
以一官束縛之則南走胡北走越爲禍不
淺觀檜此舉加於韓范一等矣

求閒

行營雜錄有一士甚貧夜則露香祈天益
久不懈一夕忽聞空中語曰帝憫汝誠問
汝所欲士曰某所欲甚微非敢過望但願
此生衣食粗足逍遙山水閒以終其身足
矣空中大笑曰此上界神仙之樂何可易
得若欲富貴則可是清樂天所靳惜百倍
於功名爵祿而世之閒人反勞擾以求多
事不亦愚哉故曰不是閒人閒不得閒人

目録
卷二
三
不是等閒人

處閒散

張士誠據平江明兵圍之唐伯剛和人泥
字韵云玉樓金屋愁如海布襪青鞋醉似
泥謂居權要者不如處閒散之樂王元載
亦誦一詩云二十四友金谷宴千三百里
錦帆遊人間無此榮華樂無此榮華無此
愁與唐詩相類

偷閒

張伯起譚輅天下有大盜而距其小者也
曹馬盜人天下呂黃盜人國可謂能盜其
竟皆不免禍至有欺世盜名者所盜無形
宜若可免禍而亦有報蓋名者造物所忌
不可以大位厚貲盜之也計世間惟一閒
字可盜語云偷閒偷卽盜之謂也盜此賸
幾無禍○有貴人遊僧舍酒酣誦唐人詩

曰因過竹院逢僧話偷得浮生半日閒僧
聞之而笑貴人問僧何笑僧曰尊官得半
日閒老僧却忙了三日

歐陽伯樂

今堅志宋吉州士子赴省書前牌云廬陵
魁選歐陽伯樂有人作詩誚之曰有客遙
來自吉州姓名挑在擔竿頭雖知汝是歐
陽後畢竟從來不識修

蜂丈人

雪濤集明高皇微行至田舍見一村翁問
其生庚翁言年月日時皆與高皇同高皇
曰爾有子乎曰無有田產乎曰無高皇曰
然則何以自給曰吾養蜂耳曰爾蜂幾何
曰十五桶高皇默念我有京省渠有蜂桶
敵之此年月日時相合之符又問爾於蜂
歲割蜜幾次翁曰春夏花多蜂易采蜜不

難結每月割之秋以後花漸少故菊花蜜
不盡割割十之三留其七聽蜂自啖爲卒
歲計我以春夏所割蜜易錢帛米粟量入
爲出以糊其口而蜂有餘蜜得以不餒明
歲又復釀蜜我行年五十而恃蜂以飽他
養蜂者不然春夏割之卽秋亦盡割之無
餘蜜故蜂多死今年有蜜明年無蜜皆莫
我若也高皇歎曰民猶蜂也上不務休養

竭澤取之民安得不貧以死民死而稅安從出是亦不留餘蜜之類也蜂丈人之言可以爲養民者法

此翁又出

劉氏鴻書高皇在御好微行以察人情之背向常以夜出暫止逆旅枕石眠草藉上中夜有二人起共語高皇潛聽之一人在庭中一人在室內庭中人呼室中人曰今

夜此翁又出矣吾視立象當在民舍中頭枕石脚踰藉而卧室中人笑曰君得無悞耶高皇聞而異之卽以手足異位而寢俄其人亦至庭中曰君果誤矣此人頭枕藉脚踰石耳高皇聞之不覺汗浹于背卽夕還官購求兩人不可得是後微行稍稀矣

嬰几木片

七修類稿高皇常微行遇一監生同飲於

酒家問其鄉里生曰四川重慶人高皇曰
千里爲重重水重山重慶府生應聲曰一
人成大次邦大國大明君高皇大喜又舉
翬几木片命賦詩生吟曰寸木原從斧削
成每於低處立功名他時若得臺端用定
向人間治不平高皇歎賞探錢償酒家而
去明日召生入謂之曰汝欲登臺端乎命
爲按察使

擊門錐

龍興記高皇賜劉誠意一金瓜曰擊門錐
有惡則擊之一夕夜將半以擊宮門而入
高皇問之曰睡不安思上夾碁耳甫夾俄
報太倉災遽命駕往救誠意止之請先遣
一內使充乘輿往往則旋斃車中矣高皇
驚問曰乾象有變特來奏聞問何人爲謀
曰早朝衣緋者是明晨西班中果有一臣

衣緋命縛之卽取袖中懸哨鴿欲放之則鴿已死蓋以鴿爲號起伏兵也

王吉婦

龍興記高皇戰偶失利夜行宿於妓館明發語姓名題於壁間曰二之十古之一左七右七橫山倒出得了一是爲土之一皆不解後生子聞上登極因錄以聞遂命工部造府封子爲王其婦不召見蓋言王吉

婦得子爲王也

布袋和尚

洪武政尚嚴猛天下股慄一日遊一寺令
正從者入內悄無一人見壁間画一布袋
和尚墨痕猶新旁題偈云大千世界浩茫
茫收拾都將一袋藏畢竟有收還有散放
寬些子又何妨蓋以諷也亟索其人不得

文若詩

雙槐歲抄仁祖先家泗州盱眙有第一山
元人文若題詩其上曰汴水東流過舊京
恢圖妙筭入皇明暫携諸將停歸騎來看
中原第一城詩作於元而皇明之句已與
國號相符矣

謠童

至正乙酉淮楚間童謠曰富漢莫起樓富
漢莫起屋但看羊兒年便是吳王國高皇

於丁未年卽吳王位卽羊兒年也

異僧

洪武微時於鳳陽城中遇一遊僧手持小
磬號於衆曰擊磬賣詩聲絕詩成高皇因
指雞卵爲題僧卽吟云一塊無瑕玉中含
混沌形忽然成五德卽落清天星僧已先
知聖主而假詩以爲之兆也

般若庵詩

洪武戰江南日投太平府般若庵欲借一
宿僧異其狀輒問爵里姓名因題詩寺壁
曰戰退江南百萬兵腰間寶劍血猶腥山
僧不識英雄主只管叨叨問姓名後僧恐
人見聖去其詩登極後遣人覩詩在不衆
僧惶恐有僧補一詩使返以無對命鑰僧
至將殺之僧曰御詩後吾師有詩在焉問
何詩僧誦曰御筆題詩不敢留留時恐惹

鬼神愁故將法水輕輕洗尚有龍光射斗
牛高皇喜寺僧皆免究

驛童對

洪武定江左見驛中有七歲兒問之對曰
臣故父當此役今臣代父耳高皇曰能對
乎曰能高皇曰七歲兒童當馬驛兒應聲
曰萬年天子坐龍廷高皇大悅蠲其役而
官之

黃蔡葉

張士誠據吳時其弟士信爲相專用參軍
黃敬夫蔡彥文葉德新圖事三人皆迂濶
不識大計輕薄者因作十七字詩云丞相
做事業專用黃蔡葉一夜西風起乾癟吳
元年丁未秋大將軍徐達破蘇州三人皆
伏誅刻其賜而懸之至成枯腊

弔張士誠

杜東原璦耕餘錄有弔張士誠詩云天星
夜落水犀軍又見吳臺走鹿群睥睨金湯
空自固倉皇珠玉竟俱焚將軍只合田橫
死國士嗟無豫讓圖風雨年年果食節
孟誰上太妃墳此蓋當時有感于士誠者
但不載誰作近聞堯山堂此詩乃天台王
澤作

老頭兒

洪武微行聞一老姬呼上爲老頭兒高皇
怒至徐太傅家繞室行沉吟不已時太傅
他往夫人震恐再拜曰得非妾夫負罪耶
高皇曰非也嫂母恐令召五城兵馬司總
兵至曰張九四小竊江東吳民至今呼爲
張王朕爲天子此邦居民呼朕爲老頭兒
遂僂其里一空而徙吳民居之

雪詞

張明善元之遺老能以詆諆諷人張士德
攘奪民地以廣園囿偶雪夜張宴邀明善
詠雪明善題云漫天墜撲地飛白占許多
田地凍殺吳民都是你難道是國家祥瑞
士德大慚

滿江紅

洪武居滁陽時欲圖集慶與徐達間行至
江口欲買舟以覘江南虛實值歲除呼舟

人無應者有夫婦老人載一小舟欣然納
之曰天晚矣明當早渡且進雞酒具黍爲
食明辰發舟老叟舉棹口中打號子曰聖
天子六龍相助大將軍八面威風高皇聞
此吉語與中山躡足相慶登極後訪得之
無子官其姪并封其舟而朱之以故江中
渡船謂之滿江紅云

彭友信

彭友信攸人歲貢至京一日高皇微行偶
相值忽見紅霓口占云誰把青紅線兩條
和雲和雨繫天腰友信應聲曰玉皇昨夜
駕輿出萬里長空駕綵橋高皇異之相約
明辰會於竹橋同早朝翌辰彭果往候久
不至遂失朝已而宣入高皇曰有學有行
君子也以爲北平布政司

大明皇帝

閒居筆記京師佛刹曰多寶高皇遊幸見
幢幡上畫書多寶如來高皇曰寺名多寶
有許多多寶如來左右寂然無荅翰林學
士江懷素請對許之對曰國號大明更無
大大明皇帝高皇稱善遂陞吏部尚書以
彰其才

大明一統

劉三吾侍高皇微行入市小飲無物下酒

高皇獨吟曰小村店三杯兩盞無有東西
三吾未及對店主對曰大明國一統萬方
不分南北高皇稱其才明日召至欲官之
店主以元人辭不受仕

兄弟應兆

明初豫章士人兄弟由貢入太學夜夢人
語曰七竅比干心如是數次翌早言夢兄
弟不殊未詳其義時五月競渡生儒出遊

惟二生篤志不出高皇偶微行至號舍聞
書聲大喜見案上有藕一截因出對曰一
彎西子臂兄弟齊聲對曰七竅比于心高
皇稱賞命銓部以御史授之

劉誠意題箸

雪濤集劉誠意基初見高皇與坐賜食問
曰先生能詩乎對曰吟詩儒生事也高皇
因舉斑竹箸爲題誠意應聲曰一對湘江

玉並看二妃曾洒淚痕斑高皇橫眉日秀
才氣味誠意曰漢家四百年天下總屬留
侯一借間高皇大悅

倒騎驢

蜀中一耆儒題張果老倒騎驢圖詩云世
間多少人誰似這老漢不是倒騎驢凡事
回頭看語雖淺喻世甚切

安亭萬二

客座新聞嘉定安亭萬二元之遺民也富
甲一郡有人自京師回二問何所見聞人
曰皇帝有詩云百僚未起朕先起百僚已
睡朕未睡不如江南富足翁日高丈五猶
擁被二歎曰兆已見矣不去難將及以其
貲付幹僕買舟載妻子汎湖湘而去不一
年江南大族以次藉沒獨二獲令終

峴山徐九

烏衣佳話載峴山徐富九居積甚饒一日策馬往州見道上一蚯蚓甚長色如血富九心怪之因馬驟不能久視猶回首佇望見一婦人俯身若有所拾富九勒馬候之問而知其金簪也因歎曰精金變幻如此見而不我得而歸於婦人我時去矣我禍速矣歸以田產盡散族人及貧乏者一身孑然如貧素越三月高皇知其富豪遣使

籍其家則蕩然一空因獲免得以天年終

僧謙牧

僧謙牧居小有山道衍著聞高皇作詩召
之曰寄語山中老禿牛何勞苦苦恋東洲
南方有片閒田地鞭打繩牽不轉頭謙牧
不赴答詩云老牛力盡已多年頂破蹄穿
只愛眠震旦城中糧草足主人何用苦加
鞭高皇見詩歎賞不復強仕

趙雙硯

臨海趙某爲中貴題蚕婦圖云蚕未成絲
葉已無髮雲撩亂粉痕枯官中羅綺輕如
布爭得王孫見此圖高皇見之詰問以趙
某對卽召知肇慶府有廉聲及歸嘆曰昔
趙清獻持一硯今吾倍之遂持二硯歸人
稱趙雙硯

象簡龍衣

高廟賓天建文卽位燕楚諸王恃叔父欲
不拜給事龔泰奏曰象簡朝天殿上行君
臣之禮龍衣拂地宮中叙叔侄之情諸王
從之時傳泰有啟沃之才七修類藁云此
乃宋太祖宴杜審言於福寧宮樂人史金
著之詞審言太祖母舅彼云前殿展君臣
之禮虎節朝天後宮伸骨肉之情龍衣拂
地骨肉二字何不易舅舅尤妥

鐵鉉女

錢蒙叟云邇國諸書所載鐵氏二女詩謂
司馬就義二女沒入教坊獻詩於原問官
詩間得赦出嫁士人余考長女詩乃吳人
范鳳鳴昌昇題老妓卷作詩見張士淪國
朝文纂時杜用嘉瓊有次韵詩題曰無題
則非鐵氏作明矣次女詩末句尤爲不倫
愚按立齋閒錄云鉉于壬午十月十七日

遇害子福安發河池所編伍父仲名年八
十三與母薛安置海南一女四歲發教坊
據此不但詩爲好事者僞作卽二女亦僞
傳也

中秋不見月

永樂中中秋開宴賞月月爲雲掩召解縉
賦詩遂口占風落梅一闋云嫦娥面今夜
圓下雲簾不着臣見拚今宵倚闌不去眠

看誰過廣寒宮殿上覽之大喜同縉飲復
令賦長短句中有吾欲斬蜍蛙磔玉兔坐
令天宇絕纖塵等句過夜半月復明朗上
大笑曰子才真可謂奪天手段也

完顏亮詞

夸堅志濟南王和尚能誦完顏亮小詞其
咏雪貽君怨云昨日樵村漁浦今日瓊川
小渚山色捲簾看老峯畝錦帳美人貪睡

不覺天花剪水驚問是楊花是蘆花其中
秋不見月鵲橋仙曰持杯不飲停歌不唱
瞥見蟾宮出現片雲何處忽飛來做許多
通天障礙愁眉怒目星移斗轉懊恨劍鋒
不快一揮揮斷此陰霾此夜看姮娥體態
讀其後篇凶威可掬

歎子

蘇杭呼癡人爲慳子或又書歎歎二字考

玉篇無𦏧𦏧二字獨𦏧字音呆韵會云病也痴也凡痴𦏧字皆作𦏧海篇𦏧𦏧二字作𦏧同𦏧字小兒諺云𦏧𦏧𦏧雨落走進屋裏來又演繁露鄭辨字毅夫守江陵作楚樂亭記有頌云我是蘇州監本𦏧與翁祝壽獻棺材近來彷彿知人事雨落還歸屋裏來則知諺語亦有來歷

銀豆譚

景泰在位頗好聲色嘗以銀豆金錢洒地
令宮人宦侍爭拾以供嬉笑編修楊守陳
賦銀豆謠曰尚方承詔出九重冶銀爲豆
驅良工顆顆勻圓奪天巧朱函進入蓬萊
宮御手親將十餘把琅琅亂洒金堦下萬
顆珠璣走玉盤一天雨雹猷鴛瓦中宮跪
拾多盈袖金璫半墮羅衣縐贏得天顏一
笑懽拜賜歸來坐清書聞知昨日六宮中

翠蛾紅袖承春風黃金作豆親拾得羊車
不至愁烟空別有銀壺薄如葉并刀剪碎
盈丹匣也隨銀豆洒金堦滿地春風飛玉
蝶君不見民餐木皮和草根夢想豆食如
八珍官倉有米無銀糴瓢盡作溝中瘠
明主由來愛一嘆安邦只在恤窮民願將
銀豆三千斛活取枯骸百萬人此詩卓有
古意使輔臣高穀輩能以此謠上達宸聰

必有感動移銀豆之懽而爲溝壑之憫亦
未可知又獲槐歲抄景泰初經筵講畢命
中官撒金錢于地令講官拾之以爲恩典
時高穀年老俯仰不便恒莫能得一講官
拾以遺之褻狎大臣耗費國帑至此

九仙夢對

西樵野記南安傳黃門凱使外國道經九
仙祠謁夢以驗使事夢孺子歌曰青草流

沙六六灣凱不解所以默識之比至館燕
殊隆飲間夸王請曰黃河躍浪一作三三
曲願天使對之凱愈夢中語詞意兼絕卽
曰青草流沙六六灣夸王驚服蓋中國黃
河九曲而夸域有流沙三十六灣彼自謂
知我華之勝而吾乃悉彼疆界之詳用是
陳讐

陽鱗

中洲野錄樂平趙尹考滿還任士夫皆起
迎之獨彭福投以詩云邵陽絕跡使君標
本欲趨迎懶折腰莫怵野人疎禮節好從
楊畫說陽鱈一作喬人皆莫喻程念齋指見
之笑曰綏之譏我邑中人深矣蓋用宓子
賤事也按說苑子賤爲單父宰初入境見
有冠蓋來迎者子賤曰車驅之車驅之楊
畫所謂陽鱈者至矣陽鱈魚名不釣而來

喻士之不招而至者也唐文粹宓子賤廟
碑云豈意陽鱗化而爲魴

徐自雲

祐山雜說祐山檢古人佳句云閒鋤明月
種梅花恨無可對嘉靖甲辰自大倉入覲
偕僚友坐吏部席舍中以前句索對對者
數人皆平平最後張洪齋云謾捲疎簾邀
燕子清麗閒雅可愛因揭之衆因廳柱後

徐七橘見之二云閑鋤明月字意本虛謾捲
疎簾似太著實因對云謾掃白雲看鳥跡
則超脫塵凡殆有仙氣因呼爲徐白雲祐
山名汝躬平湖人

各帖字大

御史與主事平行文移謂之手本御史署
名頗大時王偉爲職方郎中口占貽之云
諸葛大名垂宇宙今人名大欲如何雖於

事體無妨礙只恐文屏買墨多有土子代
答云諸寫大名垂宇宙我今名大亦從先
百凡事體皆如此費墨文房不值錢傳尋
陞兵部侍郎有客往賀曰大名屬公矣傳
又口占曰詒寫大名非用墨清高二字肅
千秋于今一紙糊塗帳滿眼松煙不識羞
衆相傳爲笑

老僧干謁

鄱陽程文憲少與仲隘齋徐朝信讀書于
南天寺後程筮仕鎮江僧持朝信所撰提
緣疏并隘齋書謁程勉贈之程謝病歸隘
齋仕維揚之興化僧亦往謁之程寄一絕
云南天和尚雪盈頭遠泛維揚一葉舟帶
去潤州抄化疏也應添却隘齋愁不二年
朝信官東安僧又欲往程寄詩云東安官
舍冷如水杖錫秋風興欲乘疏是先生親

筆橫不須懊惱恨山僧僧因病足不果行
無何寺不戒於火程又作詩云紺宇緇宮
盡掃除如何回祿妬浮圖不知跛足髡頭
子救得提緣疏也無聞者絕倒

十里荷花

崔林王露孫何帥錢塘柳耆卿作望海潮
詞贈之云東南形勝三吳都會錢塘自古
繁華煙柳画橋風簾翠幙參差十萬人家

雲樹繞堤沙。怒濤卷霜雪。天塹無涯市列
珠璣。戶盈羅綺。競豪奢。重湖疊嶂。清佳有
三秋。桂子十里荷花。菱管弄晴。菱歌泛夜。
嬉嬉釣叟蓮娃。千騎擁高牙。乘醉聽簫鼓。
吟賞烟霞。異日圖將好景。歸去鳳池。誇此
詞流播。金主亮聞之。欣然有慕。遂起投鞭
渡江之志。有立馬吳山第一峯之句。近時
謝處厚詩云。誰把杭州曲子謳。荷花十里

桂三秋那知卉木無情物牽動長江萬里
愁余謂此詞雖牽動長江之愁然卒爲金
主送死之嫌未足悵也至於荷艷桂香粧
點湖山之清麗使士夫流連於歌舞嬉遊
之樂遂忘中原是則深可恨耳因和其詩
云殺胡快劍是清謳牛渚依然一片秋却
恨荷花留玉輦竟忘烟柳汴官愁

史彌遠詞

建炎中金人追高宗至舟山登岸斫道隆
觀柱柱忽流血金人畏而遁去高宗得免
史彌遠題詞觀中日試凭闌千春欲暮桃
花點點顰顰破故鄉凝望水雲迷數堆青
玉簪千頃碧琉璃我本清都閒散客蓬萊
未是幽奇明朝歸去崔齋飛三山未縹緲
海運到天池

小僧詩阻

史彌遠欲占育王寺地作墳聚僧俯首其
致誰何有一小僧曰我能止之作偈云寺
前一塊地嘗有天子氣丞相要作墳不知
主何意使兒童遍地傳誦史意遂息明霍
韶欲營寺基爲宅免縣令逐僧僧去題於
壁曰學士家移和尚寺會元妻卧老僧房
渭崖見之媿而止所謂我有華如刃其二
僧之謂與

程鄭二生

湧幢小品潮湘程鄭二生同窓友也程先
登第授咸陽令鄭貧甚貸錢訪之程遍出
條約禁鄉人不與相見鄭乃浼人告乞數
金作回路費程亦不與狼狽而歸後鄭亦
登第除直隸公幹程適以事調獲鹿丞又
被人告賊鄭前來按郡程乃遠迎叙舊引
蘇章二天等語鄭笑而不荅留程宴鄭私

囑優人具言前事優人因扮二虎一虎啣
一羊自食旁一虎踞地視之作欲食狀虎
怒吼啣羊而去少頃餓虎獲一鹿前虎復
來欲分食之爭不與一山神出判之曰昔
日啣羊咸陽不採挾今朝獲鹿敢來求縱
然掬盡湘江水難洗當初一面羞程知刺
已遂解印而歸